



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA SABA

Kikao cha Kumi na Moja – Tarehe 11 Oktoba, 2017.

Kikao Kitaanza Saa 3.00 (Tatu) Asubuhi
na Dua itasomwa.

- I. **TAARIFA YA SPIKA:**

- II. **HATI ZA KUWASILISHA MEZANI:**

Waziri wa Fedha na Mipango:

Hotuba ya Uwasilishaji wa Ripoti ya Wizara ya Fedha na Mipango ya Utekelezaji wa Maagizo ya Kamati ya Kuchunguza na Kudhibiti Hesabu za Serikali na Mashirika (PAC) kwa mwaka 2016/2017.

Waziri wa Ardhi, Maji, Nishati na Mazingira:

Hotuba ya Uwasilishaji wa Ripoti ya Mwaka ya Utekelezaji wa Mamlaka ya Maji Zanzibar (ZAWA) kwa mwaka 2016/2017.

Mwenyekiti wa Kamati ya Kuchunguza na Kudhibiti Hesabu za Serikali na Mashirika (PAC):

Hotuba ya Maoni ya Kamati ya Kuchunguza na Kudhibiti Hesabu za Serikali na Mashirika (PAC) Kuhusu Ripoti ya Wizara ya Fedha na Mipango ya Utekelezaji wa Maagizo ya Kamati ya Kuchunguza na Kudhibiti Hesabu za Serikali na Mashirika (PAC) kwa mwaka 2016/2017.

Mwenyekiti wa Kamati ya Ardhi na Mawasiliano:

Hotuba ya Maoni ya Kamati ya Ardhi na Mawasiliano Kuhusu Ripoti ya Mwaka ya Utekelezaji wa Mamlaka ya Maji Zanzibar (ZAWA)

III. MASWALI:

Ofisi ya Rais, Tawala za Mikoa, Serikali za Mitaa na Idara Maalum za SMZ:

93. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Serikali ya Mkoa wa Mjini Magharibi kupitia Mkuu wa Mkoa wake Bwana Ayoub Mohammed Mahmoud inastahili pongezi kwa kufanya uteuzi wa Masheha wapya kwa Shehia za Wilaya za Mjini na Magharibi "A" na "B" kwa mujibu wa Sheria. Hata hivyo, Masheha hao wanaingia Ofisini wakiwa na changamoto kadhaa za kuongoza Shehia hizo.

- (a) Je, Serikali imejipanga kiasi gani kuhakikisha kuwa Masheha wanakuwa na Majengo ya Ofisi za kufanya kazi badala ya kufanya kazi za Serikali majumbani mwao jambo ambalo ni hatari kwa siri za Serikali.
- (b) Je, mipaka ya baadhi ya Mitaa ambayo haijafafanuliwa vizuri, imesharekebishwa ili kurahisisha utoaji wa huduma kwa wananachi wa shehia mpya na zile za zamani.
- (c) Wizara imejipanga vipi kuhakikisha kuwa Wajumbe wa Sheha wanachaguliwa kwa kuzingatia majukumu ya kisheria aliyopewa Sheha katika Sheria mpya ya Tawala za Mikoa.

94. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Kumekuwa na tabia isiyopendeza kwa Watendaji wa Baraza la Manispaa wanaofunga gari zinazoegeshwa nje ya maegesho rasmi kuwasumbua madereva wanaofungiwa gari

zao. Tabia hiyo imekuwa inawasumbua madereva ambapo mara baada ya gari hizo kufungwa vyuma kwenye matairi, Watendaji hao huwa wanaondoka kwenye eneo hilo muda mrefu na kumsumbua dereva ambaye huwa tayari kulipa faini ili aondowe gari yake.

- (a) Je, kwanini Watendaji wanaofunga gari vyuma kwenye matairi hawakai kwenye vituo vyao muda wote ili kuepusha usumbufu kwa madereva.
- (b) Je, kwanini Watendaji hao huzifungia gari nyengine ambazo huwa hazipo kwenye maegesho yasiyo rasmi na badala yake huwa zinasimama kushusha mtu na kuondoka.
- (c) Kutokana na usumbufu wanaopata madereva kwa Watendaji hao, ni hatua gani wanapaswa wachukuwe pale ambapo Mtendaji amefunga gari na kuondoka eneo lake huku dereva akisubiri muda mrefu.

Wizara ya Elimu Na Mafunzo ya Amali:

52. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Elimu na Mafunzo ya Amali:

Kwa kuwa dhamira ya Serikali kupitia Wizara ya Elimu na Mafunzo ya Amali ni kuboresha elimu kwa kumaliza ujenzi wa madarasa ya skuli mbali mbali kwa Unguja na Pemba ambayo yameanzishwa kwa nguvu za wananchi sambamba na kupunguza tatizo la upungufu wa walimu ambalo kwa sasa linaonekana ndio tatizo kubwa.

Je, Wizara ina mpango gani wa kumaliza jengo la madarasa ya skuli ambayo yalijengwa kwa nguvu za wananchi sambamba na kupeleka walimu kwa skuli za visiwani hasa Fundo, Kokoa na Uvinje pamoja na kuongezea walimu skuli ya Mkiang'ombe.

Wizara ya Biashara, Viwanda na Masoko

- 78 MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Biashara, Viwanda na Masoko:

Mwekezaji wa Kiwanda cha Sukari cha Mahonda anastahili pongezi za dhati kwa kukifufuwa Kiwanda cha Sukari na kuanza uzalishaji. Hata hivyo, kuna changamoto kubwa anazokabiliana nazo za uhaba wa eneo la uzalishaji miwa baada ya maeneo mengine kuvamiwa ikiwemo eneo la Pangatupu na Kiwengwa na miongoni mwao yamechukuliwa na Moja ya Vikosi vya Idara Maalum.

- (a) Je, kwanini Serikali haimpatii mwekezaji huyo maeneo yote ya uzalishaji miwa kama mkataba wa ukodishaji unavyosema ambapo aliahidiwa kupatiwa ekari 6,000.
- (b) Je, kwanini Serikali haitumii uwezo wake kuwaondoa wale wote waliopo kwenye mashamba ya uzalishaji miwa ambayo ni miliki ya kiwanda.
- (c) Je, kwanini Vikosi vya Idara Maalum vinaendelea kukalia maeneo ya uzalishaji miwa ambayo yanamilikiwa na Kiwanda na kuna mpango gani wa kuwaondoa katika maeneo hayo ili uzalishaji uendelee.

Wizara ya Kazi, Uwezeshaji, Wazee, Vijana, Wanawake na Watoto:

43. MHESHIMIWA SHEHE HAMAD MATAR (Jimbo la Mgogoni) – Atamuuliza Mheshimiwa Waziri wa Kazi, Uwezeshaji, Wazee, Vijana, Wanawake na Watoto.

Kwa kuwa Serikali ilibadilisha Sera yake ya Afya ya kutoa huduma za Afya nchini na kuruhusu huduma hii kuendelea kutolewa na wawekezaji binafsi au mashirika yasiokuwa ya Serikali hapa Zanzibar.

- (a) Je, ni mikakati gani iliochukuliwa juu ya ajira wanazotoa wawekezaji binafsi jinsi wanavyozingatia maslahi na usalama wa watumishi wao.

- (b) Je, Serikali imefuatilia kujua kwamba wafanyakazi wa sekta binafsi hasa ya Afya humu nchini maslahi yao yamezingatiwa kama vile Serikali ilivyofanya.
- (c) Je, ni mara ngapi Mhe. Waziri umeshawahi kukutana na wawekezaji kwa sekta mbali mbali ikiwemo sekta ya Afya kama Hospitali ya Al-Rahma, Global, Bububu Jeshini, KMKM ziliopo hapa Zanzibar kwa lengo la kujiridhisha kama taratibu za kazi kwa sekta binafsi zinafuatwa.

119. MHESHIMIWA SALHA MOHAMMED MWINJUMA (Nafasi za Wanawake) - Atamuuliza Mheshimiwa Waziri wa Kazi, Uwezeshaji, Wazee, Vijana, Wanawake na Watoto:

Katika bajeti ya 2017/2018 Bunge la Jamhuri ya Muungano wa Tanzania limetenga shs. Bilioni 15 kwa ajili ya ukuzaji ujuzi kwa vijana wa Kitanzania na moja kwa moja imelenga vijana kwa kujiendeleza kimitaji na mambo mengine.

Je, ni lini Serikali yetu itaona umuhimu kuiga jambo hilo jema kwa manufaa na maendeleo ya vijana wa Zanzibar.

Wizara ya Kilimo, Mifugo na Maliasili:

102. Mhe. Ali Suleiman Ali (Jimbo la Kijitoupele) - Atamuuliza Mheshimiwa Waziri wa Kilimo, Maliasili, Mifugo na Uvuvi.

Zanzibar ina ndege wa asili aina ya Korongo na Shakwe kwa upande wa maeneo ya bahari, na kwa maeneo ya shambani kuna ndege wa aina ya Yange Yange.

Kwa kuwa ndege hao wametoweka kwa wingi hapa Zanzibar, Je, ni kitu gani kilichopelekea kutoweka kwa ndege hao.

114. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Kilimo, Maliasili, Mifugo na Uvuvi:

Madereva wa gari za Mizigo ya maliasiali kama vile mchanga, kokoto, kuni n.k wamekuwa wakitarazaki kwa kazi hizo muda mrefu. Mwishoni mwa mwezi wa Julai, 2017 kuna madereva wanne eneo la Jozani na Paje walisimamishwa na mtu aliyejitambulisha kuwa ni Haji wa Haji akiwataka walipe faini ya fedha ya shilingi 100,000/= bila kuwapa risiti kwa madai kuwa wamepakia kuni mbichi, wakati huo huo baadhi ya madereva wakiachiwa waendeleo na kazi bila ya usumbufu kama huo.

- (a) Je, kwanini afisa huyo anatoza faini madereva bila kutoa risiti, huu si ubadhirifu na wizi wa fedha za Serikali
- (b) Kwanini Madereva wengine wamekuwa wakisamehewa na wengine wakitakiwa walipe faini zisizo na risiti, je, huu si ubaguzi unaopingwa na Katiba ya nchi.

129. MHESHIMIWA HIDAYA ALI MAKAME (Nafasi za Wanawake) - Atamuuliza Mheshimiwa Waziri Kilimo, Mifugo na Maliasili:

Chuo cha Kilimo Kizimbani kina majengo ambayo ni ya enzi ambayo yanatambulika kama ni ofisi za Chuo na bado baadhi yake yanaendelea kutoa huduma hizo za kiofisi mpaka leo. Pamoja na majengo hayo kuwa na umuhimu mkubwa, baadhi ya wananchi hawaelewi umuhimu wa ofisi hizo kutokana na hali yake.

- (a) Je, Wizara ina mpango gani wa kuyakarabati majengo yale ili yaweze kuwa katika hali nzuri kama ilivyokuwa zamani kutokana na umuhimu wa majengo hayo kwa Chuo cha Kilimo ambayo yanatumika kama mlango mkuu na asili wa Chuo hicho cha Kilimo.
- (b) Wizara kuyaacha majengo yale na kuwa mabovu zaidi na hatimae kuhamwa, haioni kuwa inapoteza zaidi uhalisia wa chuo kile ukizingatia pale sehemu yalipo kuwa ni maonyesho zaidi na ni kivutio hata kwa watalii.

- (c) Je, Serikali ina mpango gani wa kulifufua jengo ambalo lilikuwepo pale kama ni kituo cha kuweka mafuta ya matrekta na kuendelea na kazi hiyo ya kuhifadhi mafuta ya matrekta kwa ajili ya chuo lakini hata kwa faida ya wananchi wa maeneo yale (wakulima).

Wizara ya Afya:

83. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Afya:

Hivi karibuni Gazeti la Zanzibar Leo limemnukuu Daktari wa Ngozi wa Hospitali ya Mnazimmoja Dkt. Nassor Rashid Juma akieleza uhaba wa madaktari wa ngozi katika Hospitali hiyo, huku idadi ya wagonjwa wa ngozi ikiongezeka katika Kliniki ya Ngozi inayoendeshwa kila siku ya Jumatano ambapo wagonjwa kati ya 50 mpaka 90 hupatiwa huduma kwa siku.

Je, Wizara imejipangaje kutatuwa tatizo hilo kwa kuongeza idadi ya wataalamu wa magonjwa ya ngozi katika Kliniki hiyo na Hospitali nyengine za Wilaya.

86. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Afya:

Katika Hotuba ya Baraza la Eid el Fitr, Mheshimiwa Rais wa Zanzibar na Mwenyekiti wa Baraza la Mapinduzi, Dkt. Ali Mohammed Shein ameeleza athari ya Ugonjwa wa Kipindupindu katika maeneo mbali mbali ya nchi yetu.

Je, ni juhudi gani Wizara ya Afya inazichukuwa kukabiliana na maradhi hayo bila ya kutegemea msaada wa Shirika la Afya Ulimwenguni (WHO).

Wizara ya Ujenzi, Mawasiliano na Usafirishaji:

16. Mhe. Suleiman Sarahan Said (Jimbo la Chake Chake) -
Atamuuliza Waziri wa Ujenzi, Mawasiliano na Usafirishaji:

Serikali ya Mapinduzi ya Zanzibar ilianzisha Idara maalum ya Ujenzi na utengenezaji barabara (UUB). Hata hivyo, mara nyingi tenda za ujenzi wa barabara mbali mbali hutolewa kwa kampuni mbali mbali badala ya kuitumia (UUB). Hali hii inasababishwa na Idara hiyo kuwa bado inategemea zana za kutendea kazi ambazo ni mbovu au zimechoka na kufanya wenye Kampuni nyengine kupata kazi za Ujenzi wa bara bara. Idara hiyo inaonekana kama haina uwezo, viwango na utaalumu kumbe ni ukosefu wa zana tu.

- (a) Je, Serikali haioni umuhimu wa kuijengea uwezo Idara hiyo ambayo kwa sasa zana zake ni mbovu na zimechoka ili kuendana na ushindani wa kibiashara.
- (b) Je, Serikali haioni umuhimu wa kuwajengea uwezo wa zana na fedha idara hiyo ili kulipunguzia Taifa mzigo wa gharama za fedha nyingi zinazopotea kwa kuwapa kampuni nyengine kazi.
- (c) Je, Serikali haioni kuwajengea uwezo Idara hiyo itapiga hatua za maendeleo kwa haraka kwa kupanua wigo wa ajira kwa vijana wetu.

105. MHESHIMIWA OMAR SEIF ABEID (Jimbo la Konde) -
Atamuuliza Mheshimiwa Waziri wa Ujenzi, Mawasiliano na Usafirishaji:

Kwa kuwa mradi wa kuzika au uwekaji chini ya ardhi Mkonga wa Taifa uliofanyika miaka ya karibuni kwenye barabara eneo la Barabara Kongwe ya Wete/Chake na hali ikijulikana na wataalamu wetu kwamba wakati wowote barabara hiyo itatengenezwa au itajengwa upya na kwa sababu mipango ya kulipa fidia inaonesha kwamba kutotengwa fedha ambazo zitatumika kwa ajili ya gharama za kuhamisha mkonga huo ili kupisha ujenzi wa barabara hiyo uendelee.

- (a) Je, Serikali haioni kuwa kuweka fedha za gharama kwa ajili ya kuhamisha mkonga huo ni kujitia gharama ambazo zingeweza kuepukika toka hapo mwanzoni.

- (b) Je, ni sababu zipi zilizopelekea kuiruhusu kampuni iliyopewa kazi ya kusambaza mkonga huo kuizika pembezoni mwa barabara jambo ambalo ni hasara kwa Serikali wakati wa ujenzi wa barabara hiyo.
- (c) Je, gharama kiasi gani ambazo zingeweza kuepukika kama mkonga ungezikwa mbali na barabara kama ambavyo inaweza kujitokeza hivi sasa.

106. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Ujenzi, Mawasiliano na Usafirishaji:

Kwa kuwa programu ya miundombinu na usimamizi wa usafiri wa barabara kwa kipindi cha 2016/2017 ilisajili daladala 518 zikiwemo gari aina ya "convoy" ambazo zinapoletwa kutoka Uingereza huwa magari hayo yameshachoka lakini magari hayo hupewa leseni ya biashara na kupewa ruhusa ya kuchukua abiria.

- (a) Ni kigezo gani cha upasishaji wa vyombo hivyo kinatumika.
- (b) Je, serikali haikusudii kuwatoza malipo makubwa zaidi au kupiga marufuku aina ya gari za convoy na mengineyo ambayo yameshachakaa kuingia nchini.

III. HOJA ZA SERIKALI:

Waziri wa Fedha na Mipango:

Ripoti ya Wizara ya Fedha na Mipango ya Utekelezaji wa Maagizo ya Kamati ya Kuchunguza na Kudhibiti Hesabu za Serikali na Mashirika (PAC) kwa mwaka 2016/2017.

Waziri wa Ardhi, Maji, Nishati na Mazingira:

Ripoti ya Mwaka ya Utekelezaji wa Mamlaka ya Maji Zanzibar (ZAWA) kwa mwaka 2016/2017.

Zanzibar,
11 Oktoba, 2017.

(Amour M. Amour)
KNY. KATIBU WA BARAZA.